

جریدہ عالیہ

مشیت جلیلہ اسلامیکہ نکات جریدہ رسمیه سیدر

غرة ذی القعدة سنه ۱۳۳۲

عدو : ۵

آیہ بر نشر اولنور

برنجی سنه

فتواخانه عالی‌نک مقررات تقضیه سی

«فتواخانه عالی‌دن نقض اولنان عشاق قاضیلکنک ۷ صفر سنه ۱۳۳۲ تا یخلی اعلامنک اسباب تقضیه سی»

مدعی علیه مزبور محمدک ادا نه اولنان مبلغ مذکورده کی حصه سنک علی السویه ویا للذکر مثل حظالاتین اولدیغک بیان اولنامسی ونائب سابق طرفندن اجرا اولنان محاکمه ده مدعی علیه اقرار ایلدیکی ادا اولنان یکریمی سکزی بیک غروشه التفات اولنامسنک وجهی غیرظاهر اولسی ودعوای مذکورده وصی مزبورک مدعی علیه محمدی حال صغرنده اون سنه اتفاق ایدرهک اون بیک سکزی یوز غروش صرف ایلدیکی ادا اولندیغی حالده طرف شهادتده اون سنه اون آی اتفاق اولنهرق اون بیک یدییوزغروش صرفی مستفاد اولدیغی جهته کیفیتک تشویشدن غیر سالم بولنسی وتزکیه علیه نک محضر شهودده اجرا اولنامسی ومدعی علیه مبلغ مذکورده کی حصه ارثیه سنک تعیینده جزئی سهو بولنسی ومتباقی مبلغک تسلیمیه حکم واستظهارآ تحلیف اولنامسی وبوصورده دین مذکورک ثبوتی اقراره مبتنی اولغله متوفی وصی مزبوره حصراً وارث اولوب اولمادقلرینک کوسترلامسی .

* *

* «فتواخانه عالی‌دن نقض اولنان نیکسار قاضیلکنک ۱۱ صفر سنه ۱۳۳۲ تاریخلی اعلامنک اسباب تقضیه سی»

اولاً دعوی عرصه یه متعلق اولدیغنه کوره محاکمه و حکم دخی عرصه یه مقصور اولوق لازم کلیر ایکن هیچ بر نزاع موجود اولمیان بنانک وقفیتنه حکم ایداش اولسی ثانیاً مجردوقفیت بینه سنک ملکیت بینه سی اوزرینه شرعاً رجحانی بولندیغی حالده واضع الید بولنان طرفدن بینه ایستلمسی ثالثاً مدعی عایهمانک ملکیت دعوالرنده مرور زمان بولنش یعنی مدعیلرک وضع یدی اون بش سنه یی تجاوز ایتش ایسه دیکر طرفک بلا عذر بومدت ظرفنده دعوی ایتامسی حسیله ملکیت دعواسنک عدم استماعی مقتضی وبوجهت مثبت ایسه مرور زماندن طولانی ملکیت دعوالرینک ردیه اکتفا ایدمک لاید ایکن بوجهته دقت اولنامسی رابعاً دعوی عقاره متعلق اولدیغی حالده وضع یدک بالینه اثبات ایتدیرلامسی خامساً مدعیلرک دعوی واقعه ده حق خصوصتیری اوله بیلیمک ایچون متولی ویا قائم مقام متولی اولدقلرینک ثبوتی مقتضی ایکن بو خصوصک دخی مدعیلرک قول مجردنده قالمش بولنسی .

* *

« فتواخانه عالی دن نقض اولنان شام قاضیکتنک ۷ ربیع الاول ۱۳۳۲ تاریخلی اعلامنک اسباب نقضیه سی »
اعلام مذکورده مدعیه طرفندن طلب و ادعا اولنان اشیا اوزرینه مدعی علیک
یدی یدضمان یا ید امانتدن هانکیسی اولدینی تعیین ایتدیرلکدن صکره ید امانت اولدینی
اکلاشیلور ایسه مدعی علیه امین اوله جغندن مجله نك بیک یدی یوزیتش دردنجی ماده سی
موجبجه مردود اشیا حقتده مدعی علیک قوی قبول ایدلسی لازم کلوردی، مدعی علیک
یدی یدضمان ایسه مدعی علیه جانبندن درمیان اولنان اشیا معینه نك استرداد اولندیغنه
دائر دفی اثبات اولنه مدینی تقدیرده بالطلب مدعیه یه یمین ویرمک اقتضا ایده جکندن
حکم اعلام مختل اولغین بوصول مذکور حقتده اجرای محاکمه اولتق اوزره
اشبو اوراقک مظروفاً محلنه اعاده سی اقتضا ایدر .

۲۱ رجب ۱۳۳۲

اشبو نقض اوزرینه قاضی طرفندن آتی الذکر شرح یازیلهرق اعلام فتواخانه یه اعاده
اولنمشدر :

« ان الدعوی صدرت من المدعیة بان المدعی علیه و اضع یده علی هذه الاشياء غصباً فاكتفى الكاتب
بقولها ممتنع عن تسليمها لان الامتناع عن التسليم غصب فعليه صاعرضه » ۱۵ شعبان ۱۳۳۲

*

**

فتواخانه عالی نك ایکنجی نقض قراری :

اولا کړک اعلامده وکړک اوراق میاننده موجود ضبط دعواده قاضینک تحشیه سی کی
مدعیه نك غصب ادعا سنده بولندیغنه دائر هیچ برسوزی مسبرق دکل ایکن قاضی طرفندن
مدعیه نك بروجیه شروح ادعاده بولندیغنه دائر سوزی شایان قبول دکادر . ثانیاً اشبو
تحشیه تعلیمات سنیه نك اون ایکنجی ماده سی صراحتنه مخالفدر زیرا مذکور ماده ده - حین
تسویده ضبطک بعض عبارت لرنده قاعده - ک اوزره محو واثبات جائز ایسه ده - اساس
مسئله جه تغییر اولماق شرطدر دیه محرردر . ثالثاً قاضی « لان الامتناع عن التسليم غصب »
دیه مسئله صریحه شرعی یا مخالف مالمعه ، مرد ایدیور زیرا اتر وید بروجیه آتی محرردر :
« رجل ادعی شيئاً فی ید غیره وقال هو ملکی وان صاحب الید احدث یده علیه بغیر حق
قالوا لایکون هذا دعوی النصب علی ذی الید وکذا قال المدعی فی دعواه هذا ملکی کاز فی یدی
وان صاحب الید احدث ید دعایه بغیر - حق انتهى . » بناءً علیه اول و آخر جریان ایدن مامله
مختل بولنمشدر .

۲ ر . ضان ۱۳۳۲

*
**

« فتواخانه عالی دن نقض اولتان شام قاضی لکنک ۲۰ ربیع الاول ۱۳۳۲ تاریخلی اعلامنک اسباب نقضیه سی »

اعلام مذکورده متوفای من بوردن ماعدا بروجہ اسم و عنوان ایله مسمی و مشهور و معنوی بشقہ کیمسه اولمیدیغنک بر نہج شرعی ثبوتہ تعرض اولنماغله شہادت واقعہ دعوی طلاق اثباتہ غیر کافی اولدینی کبی سرأ ترکیہ ایدنلر شاهدلرک منسوب اولدقلری غیر محله اہالیسنک سکاندن اختیار ایدلمسنک وجہی کوسترلمدیکنه و مدعی علیہا مدعیہنک مہر مؤجلدن متوفادہ بالفعل حق و اردر یولندہ اقرار اعلامدہ محکی و مذکور اولمیدیغی جہتلہ یمین استظہار و یرلک لازم ایکن بوکادہ اعتنا ایدلمدیکنه مبنی حکم اعلام مختل بولنمشدر .

۸ رجب ۱۳۳۲

اشبو نقض اوزرینہ قاضی طرفدن مطالعات آتیہ سرد ایدیلہرک حکم سابقدہ اصرار ایدلشددر :

« اعلامک ۲۷ نجی سطرندہ متوفای من بوردن ماعدا بروجہ مہر اسم و عنوان ایله مسمی و معنوی بشقہ کیمسہ بولندیغہ موقع رسمیدن آلتان جوابدن آکلاشلدیغندن تعرض اولنمش و بو حالده شہادت واقعہ طلاق اثباتہ کافی کورندیکنه و سرأ من کیلر شاهدلرک منسوب اولدقلری محله اہالیسندن اولوب [ثم ارسلت الی المحلۃ المنسوب الیہ] لفظیلہ اکتفا اولندیغہ و ترکیہ علیہدہ من کیلرک شاهدلرک منسوب اولدقلری محله اہالیسنک غیر محله اہالیسندن اختیار اولنمش من کیلر و طرفین و شاهدلر مجلس حکمدہ حاضر اولوب من کیلر احوال شہودہ واقف اولدقلرندن شاهدلرک عدالتہ قناعت کاملہ حاصل اولدیغہ و فتاوی ہندیغنک فی الباب الثانی من الاقرار « این چیزان فلان آست » یکون اقراراً کافی الظہیر یہ دیومہر اولوب مدعیہنک مہر مؤجل مذکور حق اولدیغہ دائر اولان صراحہ اقراری اعلامک ۱۷ و ۱۸ نجی سطرلندہ مذکور « ان مؤکلی مستعدون لاعطاء المؤکلة المذكورة مؤخر صداقیا المذكور و قدرہ الف و خمأیۃ قرش لکونہ حقہا » عبارہ سندن آکلاشلدیغہ و مدعی علیہ و کیلری طرفندن اترز وقوع بولوب بواقاراک معتبر اولدینی فتواخانہ جلیلہنک یمین استظہار و یرلک لازم ایکن قیددن [زیرا اقرار معتبر اولدینی صورتہ مہر مؤجلک ثبوتدن اول یمین و یریلہماز] آکلاشلدیغہ و بولہ صرف ورثہ کبارہ عائد اولان ترکہ اوزرینہ دین دعواسندہ ورثہ طرفلرندن وقوع بولان اقرار اوزرینہ مدعیہ یمین و یریلہ چکی تکلمہ رد مختار و علی حیدر افندی حضرتلرینک محله شرحنک صراحتلرندن بولندیغہ بناءً اعلام مذکورک تکرار تقدیمہ مجاسرت قلندی فرمان »

۱۵ شعبان ۱۳۳۲ سوریہ مرکز قاپیسی

خورشید

*
* *

فتواخانه عالی نک ایکنجی نقض قراری :

اولاً : موقع رسمیدن آلتان جوابدہ الح دیہ قاضی طرفدن در میان اولتان مطالعہ موافق شرع دکلدر . عامہ کتب فقہیہدہ مصرح اولدینی اوزرہ دعوی و متفرعاتنک اسباب

ثبوتیه سی حجت شرعیه در، بینه و اقرار و نکول عن اليمين عبارت در. قوماندان طرفندن یازیلان مذکور تذکره بونلردن بری دکادر قوماندان بالذات حضوره ضی به کلوب بونی شفاهاً سویله ایدی مدار ثبوت دکل ایدی نزهده قلدیکه تذکره سی احکام شرعیه نك ثبوتیه کافی و حکم شرعی به مدار اوله بیلسون. ثانیاً : فتواخانه نك ایکنجه سبب نقضی قاضینک تحشیه اخیره سیله ویردیکی ایضاحات ایله برطرف اویشدر ثالثاً : حیدراقیدینک مجله نك ۱۷۶۶ نجی ماده سی شرحنده « ورنانک کایه کبار اولوبده جمله سی ترکئه وانیده مدعینک متوفاده بالفعل حق واردردیه اقرار ایتسه لر آرتق یمین استظهار لازم کلز اما متوفانک مدعی به دخی واردردیسه لر یمین استظهار لازم کایر فناوای ابوالسود فی الدعوی دیه یازامش و کتب فقهیه ده « فاذا حکم بغيره لم یصح » دیه مصرح بولنش و هندیه دن قاضینک نقل ایتدیکی مسئله ایله حادثه آرسنده مناسبت بولنماش ایکن بروجه مشروح تحشیه ایله فتواخانه نك کوسترمش اولدینی اسباب نقضیه نك عدم ورودینی ادعا غیر صحیح و حقوق عبادک دوچار تعویقات اولاسنی مستلزم بولنشدر. رابعاً : تزکیه علیه نك صورت اجرایی مجله نك ۱۷۱۷ نجی ماده سنده مصرح واراده سیده مستند بر مسئله شرعیه اولدینی حلاله بوکا مخائف اوله رق پاییلان معامله غیر صحیح اولدینی کبی مزکیلرک احوال شهوده واقف اولدقلمینه دائر قاضی طرفندن درمیان اولنان معالعه دخی شایان قبول دکادر. قاضی بوکبی مسائله کندی علیه عمل ایده مز بناء علیه قاضینک اول و آخر یامش اولدینی معامله مختلدر.

* *

« فتواخانه عالی دن نقض اولنان اوقاف آذینک نك ۶ ربیع الآخر سنه ۱۳۳۲ تاریخی اعلامنک اسباب نقضیه سی »
اولاً وقفیت ایله حکم قول اصحه کوره کافه ناس علیه حکم دکلدر. بناء علیه متولی محکوم له علیه دیگر برکیسه مالکیت ادعا سنده بولنه بیله چکی کبی شخص آخر دخی متولیس بولندینی و قفدن اولدینی ادعا ایده بیلور. حالوکه حکم ایدلشدر دیه محکمه جه دعوانک ردی جهته کینلشدر.

ثانیاً سلطان سلیمان علیه الرحمة والفران طرفندن وقف ایدلدیکی علی الاصول ثابت اولدینی تقدیرده آندنصرکه بشقه لر طرفندن مؤخر تاریخ ایله وقفیتی غیر صحیح اولور. بناء علیه اشبو دعوی مجدداً فصل ورؤیت ایدیلرک حکم شرعی به ربط اولتمق اوزره قاضیسکرلک محکمه شرعیه سنه تودیع اولور.

* *

« فتواخانه عالی دن نقض اولنان ارضروم مرکز قاضیلکنک ۵ ربیع الاخر سنه ۱۳۳۲ تاریخلی اعلامنک اسباب نقضیه سی »
تواتر بنفسه علم یقینی افاده ایتمک لابد ایکن حادثه ده عته حقنده تواتر بینه سنی
بعد الاستماع متوفای مزبورک عاقل و تام الشعور و صاحب الرأی والتدبیر اولدینغی حقنده
دیگر طرفک تواتر بینه سنک استماع ایدلمسی عته تواترینک قناعت بخش اولمدینغی اشراپ
ایتمکله برابر عقل بینه سنی بالاستماع طقسان بش یاشندن صکره انسانلرده عقل کامل
بولنه میه جنی بیانیله عته بینه سیله حکم اولنمی . و اولوجهله تواترک قاضی به علمی افاده
ایتمسه دیگر بر سبب عقلینک ضم ایدلمسی خلاف شرع عالی اولغله شایان قبول اولمدینغی .

*

*

« فتواخانه عالی دن نقض اولنان ککبوزه قاضیلکنک ۱۲ ربیع الاخر سنه ۱۳۳۲ تاریخلی اعلامنک اسباب نقضیه سی »
مدعیه وکیلنک مدعی علیهمادن بولنان عدویه نک لهنده اولان اقرار و اعترافی آنجق
مدعیه نک ذاتی حقنده معتبردر . اقرار غیر علیه حجت اوله میه جفتندن مدعی مزبوره نک
تحت وصایتنده بولنان صغار حقنده اقرار واقعی حکمسز ایکن مزبوره نک اقرارینک
صغاره دخی سرایت ایتدیرلمسی و مدعیه وکیلنک منازع فیه ابنیه نک محلی متوفای اول
مصطفادن موروث بولندینغی حقنده کی اقراری مدعیه به مقصور و صغاره غیر متعدی
اولق اوزره معتبر و بناء علیه عرصه حقنده کی مرور زمانی دافع اولدینغی حالده مدعی
علیهمدان حفیظه نک دفعنده مرور زمان اولدینغه دائر قرار اعطا اولنمی و دعوی عقاره
متعلق ایکن وضع یدک بالینه اثبات ایتدیرلما می و مذکور ابنیه نک ملکیتی حقنده خارج
اولان طرفدن بینه طلب اولنما می و مدعیه نک کرک نفسی و ذاتی اعتباریه و کرک تحت
وصایتنده بولنان صغاره متعلق بولنق جهتله اقامه ایلدیکی دعوی حقنده هیچ بر حکم
ویرلما می یعنی قضاء ترک ایله حکم اولنما دینغی کی قضاء استحقاق ایله دخی حکم ایدلمیه رک
دعوی واقعه و محاکمات جاریه نک فائده سز بر اعلما می .

*

*

« فتواخانه عالی دن نقض اولنان قره مرسل قاضیلکنک ۱۴ ربیع الاخر سنه ۱۳۳۲ تاریخلی اعلامنک اسباب نقضیه سی »
مدعی علیه مرقوم زوجة مزبوره بی بر سنه مقدم تطایق ایلدیکی بالیان زوجة مزبو-
ره نک انکار ایلسنه نظراً زوج مزبورک بر سنه مقدم تطایق ایلدیکنه دائر اولان دفعنک
اثباتی وثابت اوله مدینغی تقدیرده زوجک حضور حاکمه اقراری موجبجه طلاق واقع
اوله جنی جهتله اقرار مذکور تاریخندن اعتباراً طلاقک وقوعنه حکم ایدلمک لازم ایکن
زوج مذکورک قول مجردیه طلاق سابقک وقوعنه حکم ایدلمسی و زوجة مذکوریه

زوج مرقومك افاده مجردة سنه مبنی نفقه دن محروم قلمسی غیر صحیح و بناءً علیه زوجة مزبورہ نك عدتی منقضیه اولنجه یه قدر نفقه تقدیری مقتضی اولدینی حالده نفقه حقنده کی دعوانك رد اولنسی و مهر حقنده طلب سبق ایتدیکی حالده بلا طلب حکم ایدلمسی.

*
**

«تواخانة عالی دن نقض اولنان طر سوس قاضیلکنك ۲۳ ربیع الآخر سنه ۱۳۳۱ تاریخلی اعلامك اسباب نقضیه سی»
اولاً مدعی علیهار طرفدن قبض اولندیغی بیان اولنان مذکور لیرالرك جمعنده سهو بولنسی ثانیاً دعواده مثلیاتك اوصافی بیان ایدلماش اولسی ثالثاً مدعی علیه وکیل حزبورك بروجہ مذکور امتناعی نكول اولیوب مؤکله لرینك بالذات حضور شرعه نكول ایتمش اولملری اقتضا ایدر ایکن امتناع مذکورك نكول عد ایدیلهرك بروجہ محرر اعطای حکم ایدلمسی رابعاً قیم مذکوره، نه ایله ثابت اولدیغك بیان ایدلماش.

*
**

«فتوا خانة عالی جه نقض قرارینه قارشی شام قاضیلغك وقوعبولان اصراری اوزرینه اسباب نقضیه نك توضیحه دائر اتخاذ اولنان مقررات اخیرہ»

شام محکمه شرعیه سنه بالمراجعه شفیقه خانم بروجہ آتی دعواده بولمشدر : « بنم و بنم تحت وصایتمه بولنان صفار اولادمك مالدن پدرم مرحوم احمد افندی یه حیاتنده اصالة و وصایه «۱۵۷» لیرا اقراض و تسلیم ایتدم اوده استقراض و تسلیم وامورینه صرفه استهلاك ایلدی ترکه سندن ایسترم .

بودعوائی شهود ایله اثبات ایتدکن صکره قاضی شو حکمی ویرمشدر :

« بعد تحلیف المدعیة المذكورة یمین الاستظهار الشرعی علی ذلك ای علی انہالم تستوف هذا الحق بنفسها ولا یفرها من المتوفی بوجہ ولا ابراءه ولا حولها علی غیره ولا اوفی من طرف احد و لیس للمتوفی فی مقابلة هذا الحق رهن الخلف الشرعی بهذا المجلس بحضور المدعی علیه المذکور والترافع و طلب الحكم الشرعی بذلك حکمنا بمواجهة المدعی علیه المذکور بصفة ثبوت دعوی المدعیة و ولیدها القاصر ان المذکور ان اعلاه بالبلغ المذکور و قدره مائة وسبعة وخمسون ليرة عثمانیة عین علی ترکه والده المتوفی احمد افندی المرقوم و بنہنا علی هذا المدعی علیه احمد افندی المرقوم اصالة عن نفسه و اضافة لبقية الورثة المذکورین بدفع مثل المبلغ المزبور و قدره مائة وسبعة وخمسون ليرة عثمانیة عین الی هذه المدعیة شفیقه خانم و ولیدها القاصر ان المذکور ان « القاصرین المذکورین » من اصل متروکات المتوفی المرقوم و عرفنا المدعی علیه المذکور ان علی القاصر ان المذکور ان - علی القاصرین المذکورین « یمین الاستظهار الشرعی عند بلوغهما لما ثبت شرعاً حکماً و تنبیہاً و تعریفاً شرعیان بالتماس شرعی و بالطلب حرر فی . . »

اشبو اعلام فتوا خانہ دن بروجہ آتی نقض ایدلمشدر : مجله نك «۱۷۲۰» نجی ماده سنه مخالف اولهرق تزکیه علیه شهود حاضر ایکن اجرا ایدلماش و مجله نك «۹۵۷» نجی ماده سی

موجبته قاصرین ذاتاً محجور اولدینی و بناءً علیه کندی حقلرینی قبضه صلاحیت شرعیه لری مسلوب بولندی حالده حصه لرینک کندیلرینه تسلیمینک تحت قراره آلمسی و مقرضه مدعیه اولغله مزبورده نک استظهاراً تحلیفی کافی و صغیرانک بلوغارنده کندیلرینه یمین غیر متوجه ایکن توجیه یمین ایتدیرلمسی جهتلرله حکم اعلام مختل ایدوکی .

فی ۲۶ جمادی الاولی سنه ۱۳۳۲

*

**

نقض قراری اوزرینه محکمه جه ظہر اعلامه ویریلان شرح :

اولاً ترکیه العلانیه حصلت بحضور الطرفین و الشاهدین و ترک لفظ الشاهدین لما جرت العادة به من وجود الطرفین و وجود الشاهدین و المنزکین ایضاً فی مجلس الحكم

شو دلیل شایان قبول دکلدرد . اعلامده مندرج اولمسی لازم کلان احوالده عادتک دلائله صرف نظر اولنه ماز . مورد نصده عادتک حکمی اوله ماز بناءً علیه دلیل مذکور مردود اولغله برابر ترکیه ده شاهدین حاضر بولنشلردر صورتنده کی بیان اخیر قبول ایدلشدرد .

« واما قولنا بدفع المبلغ الى المدعية وولديها فالمراد منه ان ولاية القبض للمدعية اصاله ووصاية على ولديها واما یمین الاستظهار فقد جرر فی الانقروی عن معین الحکام بان الیمین تتوجه علی الصغیر و منه یمین الاستظهار و هو یكون علی عدم الاستیفاء و علی عدم برائة ذمة المتوفی من المبلغ و هذا الیس من فعل الوصی فان کان النقل صریحاً فی عدم لزوم تحلیف الصغیر عند البلوغ یمین الاستظهار فبعد التصدیق علی الحکم مروا و اما حتی لا تخلفه عند البلوغ و علیه صار عرضه

فی ۱۵ شعبان سنه ۱۳۳۲

*

فتواخانه عالی نک شو شرحه قارش مطالعه سی :

اولاً اقراض ایدن و عقد قرضه تولی و مباشرت ایلان وصی اولوب عاقده اولمق و استیفاء و ارتهان و شروطنک وجودی حالده عقد حواله به مباشرت صلاحیتی حصراً مزبورده عائد بولمقی اعتباریه یمین استظهار حصراً کندیسنه متوجه بولنشدرد .

ثانیاً : صورت دعوا ده و محاکمه ده مصرح اولدینی اوزرده صغار زمان اقراضده صغار اولدقلری کبی اوان دعوی و حکمه دخی صغار بولنمش اولدقلرینه کوره ابرا و استیفاء و ارتهان و حواله کبی عقوده تولی و مباشرت ایللری شرعاً غیر ممکن و صغیرانک بو کبی عقودی غیر صحیح بولندیغه منبئ بعد البلوغ یمین لازم کلیه جکی و حتی حل صغیرلرنده بو معامله بی یابدقلرینی بعد البلوغ اقرار ایتسه لر بيله مؤاخذه ایدلمیه جکلری بدیهی و آشکاردر .

ثالثاً : قاضی طرفندن درمیان اولنه رق ظہر اعلامده ثبت ایدیلان نقل فقہینک حادثه حاضرده عدم توافقی بیدار ایکن فتوا خانه نک نقضده عده اصابتی اثبات ایچون مذکور

نقل ایله استشهاده ماسارعت ایدلسی وعلی الخصوص. متد کور نقلده یمین استظهاره دائر بر قید موجود اولدینی حالده یمین استظهار موجود کی کوسترلسی جالب نظر دقتدر .
 رابعاً : حاکم حکمی مسائل عدیده حقته اولوبدم بونلرک بعضیسی باطل اولنجه کتب فقهیهده مصرح اولدینی اوزره حکم تجزی قبول اتمیه جکنه مبنی کلیسک بطلانی لازم کلوب بوحالده قاضی حکم باطلی اخراج ایدرک دیگر اقسام ایچون مجدداً حکم اتمیه لازم کلورکن «فبعدالتصديق على الحكم مروانا حتى لا تحلقه عند البلوغ» دهرک فتواخانهیه تصدیق اعلام ایله امر ایلیمی غیر صحیحدر .

خامساً : صیلمه عائد اولان حصه نك كندیلرینه تسلینه دائر اولوب صرف خطای اولدینی محقق اولان حکمی عبارء اعلامك محتمل اولدینی مغالار ویریلرک کندی حکمی تصحیح یولنده تأویلاته تصدی اتمیه شایان قبول و ترویج دکلدر .
 سادساً : حقه متابعت ایله عدله وشرعه موافق صورتده مسازعة انفاذ قضا فریضه دن ایکن بویولده ماملات ایله تأخیر حقوقه سببیت ویرلسی شرعاً ممنوعدر . بناء علیه قاضینك اول و آخر بوبابده کی معامله سی شرع عالییه مخالف و حکمی مختلدر .

فتواخانه عالی مذکوره سی

« مسائل واصله خطا ایدن قاضیلر حقته »

بعض قضاة مجله و مسائل فقهیه نك احكام صریحه سنه مخالف حکملر ویرمک صورتیلله تسریع عدالته خدمت ایده مامکده درلر . بو کی مسائل بسیطه و واصلهده متعدد خطیاتی ایقاع ایللری مطالعات فقهیهده بولندقلرینه و احکام و قضایای شرعیه یه لازمی وجهله عطف اهمیت ایتدکلرینه دلیلدر .

جریده علمییه ایله نشر اولنان بونجه اسباب نقضیه نظر اعتنایه انما مقده اولدینی کی . حتی بر قاضی طرفندن ویریلوب فتواخانه جه نقض اولنان و اسباب نقضیه سی لفاً تقدیم قلنان اعلامده [*] نه قدر فاحش خطیاتی میدانه کتیرلدیکی منظور عالی حضرت مشیختپناهیلری بیوریلور .

بعض قضاة طرفندن اعطا قلنان اعلام اسباب مفصله ایله نقض و اعاده ایدلد کدنصرکه

[*] نقض اولنان ملفوف اعلامی اعطا ایدن عداالجواز قاضیسی عزل اولدینی کی امثالی حقتهده عزل صورتیلله مجازات انتباهیه تطبیق تقرر ایتشددر .